



სოფელ ქოთელიაში კეთილმოწყობილი სასტუმრო აშენდა

რუბენ გალსტიანი ახალქალაქის მუნიციპალიტეტის სოფელ ქოთელიას მკვიდრია. მას ადგილობრივები კარგად იცნობენ, რადგან წლებია საკუთარი სახლის პირველ სართულზე სუპერმარკეტი აქვს გახსნილი, სადაც პროდუქტები და სხვადასხვა საყოფაცხოვრებო ნივთები იყიდება. სახლი ბაკურიანის სათხილამურო კურორტზე მიმავალი ცენტრალური გზის პირას მდებარეობს. ბოლო ორი წელია, ბატონმა რუბენმა შეამჩნია, რომ მაღაზიაში ტურისტების რიცხვი გაიზარდა და გადაწყვიტა, თავის მშენებარე სახლში სასტუმრო მოეწყო. სახლი კი იმ ეტაპზე გადახურულიც არ იყო და სარემონტო სამუშაოების დასრულებას საკმაოდ დიდი თანხა სჭირდებოდა.

ბიზნესმენმა ევროკავშირის მიერ ახალქალაქის განვითარებისათვის გამოცხადებული საგრანტო კონკურსის შესახებ ინტერნეტით შეიტყო, რის შემდეგაც LAG-ს მიმართა. ორგანიზაცია გვერდით დაუდგა რუბენ გალსტიანს, დაეხმარა საგრანტო წინადადების მომზადებასა და პრიორიტეტების სწორად განსაზღვრაში.

“ახლაც მახსოვს ის სახურული, როდესაც პროექტის გამარჯვების შესახებ გავიგე. წარმოუდგენელი იყო ევროკავშირის ფინანსური დახმარების გარეშე სასტუმროს მოწყობაზე მეფიქრა. ახლა კი, 7 ოთახიანი სასტუმრო მზადაა, ტურისტები მიიღოს”, - აცხადებს რუბენ გალსტიანი.



პროექტის შედეგად დასაქმდა: 5 ადგილობრივი  
პროექტის მთლიანი ბიუჯეტი: 225,398.87 ლარი  
ევროკავშირის დაფინანსება: 140,000.00 ლარი  
თანადაფინანსება: 85,398.87 ლარი



ყველა ოთახი აღჭურვილია ტელევიზორით, კონდიციონერით, კეთილმოწყობილი სველი წერტილებით. ტურისტებისათვის შექმნილია მაქსიმალურად კომფორტული გარემო და როგორც ბატონი რუბენი ამბობს, მის სასტუმროში მოხვედრის შემდეგ, ყველას უკან დაბრუნება მოუწდება. ამის გაკეთებას კი სტუმართმყოფარეობით და მაღალი ხარისხის მომსახურებით გეგმავს. ბიზნესმენმა კარგად იცის, რომ სასტუმროს წარმატების ერთ-ერთ მნიშვნელოვანი ფაქტორი გემრიელი სამზარეულოა.





“ჩვენ სტუმრებს მხოლოდ ნატურალური პროდუქტისაგან დამზადებულ ტრადიციულ და ევროპულ კერძებს შევთავაზებთ. ადგილობრივ მოსახლეობასთან უკვე მაქვს მოლაპარაკებები და ყოველდღე ახალ-ახალი პროდუქტებით მომარაგებენ. ეს კი ადგილობრივების შემოსავალსაც გაზრდის”, - ამბობს რუბენ გალსტიანი.

სასტუმროში 5 ადგილობრივი უკვე დასაქმებულია. სასტუმროს მეპატრონე იმედოვნებს, რომ პანდემიის შემდეგ გაცილებით მეტი სტუმარი ეყოლებათ და შესაბამისად ახალი სამუშაო ადგილებიც გაჩნდება.

“მე ყველა საქმეს პასუხისმგებლობით ვეკიდები. ბიზნესში ეს აუცილებელია. ჩემი შესაძლებლობების მაქსიმუმს გავაკეთებ, რომ გავამართლო ევროკავშირის მოლოდინი და მნიშვნელოვანი წვლილი შევიტანო მუნიციპალიტეტის ეკონომიკურ განვითარებაში. ასევე, ვერაფრით გავუცრუებ იმედებს LAG-ს და GIPA-ს. ეს ორგანიზაციები პროექტის დაწერის პირველი დღიდან გვერდზე მედგნენ და მათი დიდი წვლილია იმაში, რომ დიდი მოცულობის სამუშაოები უმოკლეს ვადებში განხორციელდა”, - აღნიშნა რუბენ გალსტიანმა. რუბენ გალსტიანი რომ მართლაც პასუხისმგებლიანი ბიზნესმენია, პანდემიის პერიოდშიც გამოჩნდა. მან პირველადი მოხმარების პროდუქტების პაკეტი სრულიად უსასყიდლოდ გადასცა გაჭირვებულ ოჯახებს.

*ინიციატივა დაფინანსებულია ევროკავშირის საქართველოში სოფლის და სოფლის მეურნეობის განვითარების ევროპის სამეზობლო პროგრამის (ENPARD)-სოფლის განვითარების ახალი მიდგომის ხედშეწყობა ახალქალაქში პროექტის ფაზებში.*

*პროექტს ახორციელებს საქართველოს საზოგადოებრივ საქმეთა ინსტიტუტის, სოფლის მეურნეობის განვითარების და პროფესიული სწავლების დეპარტამენტი (DRDVE/GIPA). პროექტის პაჩგნიოები ახიან მეხსი ქოხფსი, ELVA საზოგადოებრივი ჩაბრუნება და დასავლეთ კოხკის განვითარების პაჩგნიოობა.*

*ევროკავშირის მხარს უჭერს სოფლის მეურნეობასა და სოფლის განვითარებას საქართველოში ENPARD-ის პროგრამის დახმარებით. პროგრამა ხორციელდება 2013 წლიდან საერთო ბიუჯეტით 179,5 მილიონი ევრო. ENPARD-ის ძირითადი მიზანი საქართველოში სოფლად სიღარიბის დაძვევაა. პროგრამის პიხველი ფაზის პიოტიგეტი იყო სოფლის მეურნეობის განვითარების ხედშეწყობა, ხოლო მეოხე და მესამე ფაზა მიზნად ისახავს სოფლად მცხოვრები ადამიანების ეკონომიკური განვითარების შესაძლებლობების გაზრდას. დამატებითი ინფორმაციისათვის იხილეთ ვებ-გვერდი: [www.enpard.ge](http://www.enpard.ge).*

